

周欣平 主編

清末時新小說集

上海古籍出版社

清末時新小說集

一
三
一

主編
副主編

周欣平

趙亞靜

薛燕

上海古籍出版社

清末時新小說集·十三

時新小說(賴恩保).....	一
鴉片纏脚文章(梁詩觀).....	六三
時新小說(周夢胥).....	九九
時弊慨言(邊紹宗).....	一〇七
時新小說(李勳).....	一二九
鴉片纏脚文章(梁國勳).....	一四七
三損錄(清修道人).....	一七三
鴉片弊小說 纏足弊小說 時文弊小說(施信贊).....	一九一
戒鴉片 緩時文 禁纏足(王鏡遠).....	二七九
纏足論 鴉片論 時文論(林謹益).....	二九九
鴉片纏足時文(楊培之).....	三二三
鴉片時文纏足(祝功化).....	三二七
戒洋烟時文纏足等弊小說(鄧惇熙).....	三四三
鴉片賦 鴉片論 時文論 纏足論(劉錫齡).....	三五九
時文論 纏足論 鴉片煙論(劉鳳切).....	三七一

鴉片論 時文論 纏足論(沈榮貞).....	三八一
中國宜力除鴉片時文纏足三大害以覩富強之兆說(古恩綸).....	四一三
時新小說(賴作枬).....	四五五
新編治國醒世要言(孫季美).....	四七九
時文鴉片烟纏足小說(姜士乾).....	五二三
鴉片時文纏足小說(趙乘時).....	五三七
鴉片時文纏足小說(趙邦燮).....	五四三
鴉片說 時文說 纏足說(張志善).....	五五三
鴉片論 時文論 纏足論(萬國和).....	五七九
擬著時新小說(傅夢巖).....	五九一
戒鴉片烟時新小說 時文之弊新趣小說 戒纏足時新小說(張德明).....	六一九

Chun-chen Hsueh-shan

十

時新小說

惠府永安賴恩保

時新小說

今天下競尚新新矣、尤競尚時新矣、新既爲人心所共欲、時新尤人世所同趨、心所共欲、則圖謀者必眾、世所同趨、則爭恐者良多、所以或脩身者務時新、齊家者務時新、治國者務時新、平天下者亦務時新、要皆趨時爲貴、厭舊爲懷、其故實因脩身能務時新、則身可脩、齊家能務時新、則家可齊、治國能務時新、則國可治、平天下能務時新、則天下又可平、古今來大有爲之士、必不舍時新圖習舊、而與庸人同一轍、不求出出新之良策也、吾也橫覽五大州之風土人情、溯其中之興衰盛敗、而知其無不定於趨時不趨時、

求新不求新耳使非如此、何以西帝稱雄者、東帝莫振也、觀今日之泰西各國、識時既遠、愛新尤加、無惑乎獨推首唱、而英抱獅雄、俄存虎視、德奮鷹飛、法仗狼貪也、不第西方惟然、即東方有區區小國、名日本者、三十年前、審時度勢、而舍舊從新、於是鼓其志氣、奮發有爲、一旦亦可以小驅大、反弱爲強、睹斯況而信斯言、則所謂時哉不可失、而去其舊、故求其新特者、良不誣矣、雖然人之舊染豈易脫哉、如習藝者、純之既久、或曰姑舍爾所學而從我、則何如、吾知其必不爲也、蓋以爲舍之即舍生矣、不知益於己者去之固非人所願欲、而損於己者除之豈非人甘且幸哉、若溺於水者、

無不欲出於水、焚於火者、無不欲離於火、天下事大都如是、蓋亦爲理所必然、勢所當然者耳、乃今日以中國擬之、獨有不然在、舊弊既深於夙昔、蹈之仍甚於今茲、使仍之而國可富、或仍之而兵可強、則其尚習舊亦若趨時新爾、乃則不革而衰彌甚、愈興而害更深、有心人既不禁爲之起望洋之嘆、而且哂其如無知孩提溺則任溺而死、焚則隨焚、必亡者矣、噫、我中華立國數千年來、非一堂堂之大國哉、今則頽居人後者、其故不必求諸遠難也、亦曰舊弊害之而已矣、日本立國至於茲、非叢爾彈丸之域哉、今亦稱雄宇內、其故卽在目前也、亦曰時新使之而已矣、吾也生於斯、長於

斯而目睹斯舊弊、思有以挽之、使我聖君可復前代之榮威、而昭數百年之事業、奢今人之厚望、而成千古下之奇勲、不禁特揭舊弊之害、而求其祛、猶掛時新之道、而切之從、庶中國有以大振作也、中國舊弊之害維何、最重最大者、計有三焉、鴉片一也、纏足次之、時文三也、而所要之時新維何、一言以蔽之、曰救世之道也、今夫鴉片產於何地、出於何方、或用之何益、取之何害、又或中邦何由而得、與夫華人何以多吸種種情形、前君子既不憚紙勞墨瘁、舌弊唇焦、先我而言之矣、吾今者則甚其害而輕其餘、故又不避騰口之嫌、怯貽重煩之譏、而亦直陳其多端之害焉、原鴉片在

善用之者、本益而無害、乃吸之則有害矣、害有害於己身者、害亦有害於國家者、此之爲害、豈非孝慈子孫、百世不能改者哉、試思何以害其身、溯帝造人之初、曰、宜造人、其象像我儕、故雖^傳圉土而成、而噓已氣以入人鼻、則此身之始、既爲天生之矣、及後造女以爲匹偶、祝之使生育衆多、致昌熾於地、是此身似父母傳之、而實又爲天生之、天生之、父母傳之、則此身當力以維之、嚴以正之、而不可吸鴉片、致枉生人世、以貽天之羞、父母之愧也、誠以吸之者、萃益之象、頤變衰微、魁梧之體、轉爲薄弱、若是則對天不敢稍端、方對父母不敢名孝敬、骨立形消、人不成人、鬼不成鬼、斯爲天之

所必棄、亦爲父母之所必除者、害何如也、且於妻子兄弟間、亦不
少齟齬、蓋夫婦原相助以爲理、上帝造人之原意、乃爾、今爲夫者
吸鴉片、則如百體失其一手、或一足、然於是爲妻者、惡其夫之醜
殆、或告訴於歸寧之膝下、或誹謗於鄰舍之室中、不聚則已、聚則
言夫之惡、不羣則已、羣則說夫之歹、雖云婦人長舌、爲厲之階、若
果根深、不怕風搖動、樹正何愁月映斜、乃旣攘羊、被子證、何以辭
咎耶、不知有賤丈夫者、仍安於拙、而不之舍、飽吃鴉片、任他呼牛
呼馬、何足怪哉、亦有鄙丈夫者、發鴉片之性、持血氣之勇、以驅其
妻、^{其妻}扼致其妻門路俱絕、而後已、如是遂致妻欲其夫死、夫欲其妻

亡、是鴉片害其身於夫婦間者如此、至於父子之間、其害亦何可言、宣在人子披星帶月、而勞異地之經營、沐雨栴風、而苦他鄉之奔逐、其所以效古人之牽車服賈者、無非欲得一二、以爲洗腆服勞之喜、乃父既吸鴉片、則子雖盡窮年之積、而父全爲一口之消、半生之勤儉、咸歸諸烟鎔烟斗之中、吾知爲子者、必敢怒而不敢言、遂致有因是而生忤逆者矣、因是而起誹謗者矣、因是而逃往異地者矣、甚有因是而逐其父者矣、反是而子吸鴉片、則父視之爲不肖、必逐之外、蓋既如是、有不如無、是鴉片害其身於父子間者如此、至於兄弟之間、亦若是、浸假兄弟數人、承父遺業、而繼

述其事固賴互助而成之乃中有吸鴉片者焉則天倫間初因家
有而相容漸因家敗而生妒諍非必吸者之所致而眾既咎之曰
家財全爲化作烟雲如是遂嘈分鬭派或交鋒以持棍或互咒以
惡言種種逆情終無鄰舍之親噫諺不云兄弟如手足今以鴉片
而致變生骨肉則害其身於兄弟間者又如此雖然如此人或謂
以鴉片縱爲妻仇子敵兄恨弟憎亦何害其身之有蓋洋烟一吸
半世全無不知有時床頭金盡壯士尤且無顏況爾區區鴉片屑
吾知其必落寞窮途雖曰舊日之烟友可尋而今寒寂我既不爾
識也俗云有酒有肉多兄弟急難何曾見一人於斯時也鋤無力

乞可恥、實進退之維谷、不亦難捱、方夜之辛、晨午之苦乎、故遂有
因是而促其餘生焉、是鴉片之害及其身者何如也、究之在有家
之人、因鴉片而瀕條者、其情尤可諒之、以富而驕也、乃世有工資
方度日、亦將半而爲化、或有托鉢以資生、亦將所得以爲啖、如此
之人、壯盛之年、則手頭可覓、而作鴉片之需、及其老也、寸步難移、
而烟欲大作、甚思一吸以怡心、乃四壁淒然、故終亦餓死而已矣、
是鴉片之害及其身者又何如也、他如害五官、害五臟、害皮膚、風之類害後嗣者、曷可勝道、特是知吸屬四大症之一、則其爲惡也
必矣、既爲惡、當受其責、諺云、爲善昌、爲惡亡、審是說也、而知鴉片

不第有生前之害又必矣、誠以吸者、安樂過度、世事勘破、既屬自然、而道理忘却、即報復之道亦非意外、在生雖多端、勸速脫迷途、以歸覺路、而何若多吸之爲佳、死後事誰矚目耶、不知時日至、操天地萬權之主耶穌、乘雲而來、集諸生死義與不義之人、俱列其前、聽審、善則福之、禍則淫之、爾意吸鴉片之人、福乎禍乎、吾知其必禍矣哉、是以鴉片而害及其終身者、又何如也、縱在吸者生前或因富而免其害、或因貴而免其害、又或因苟且而倖免其害、獨此死後之害、斷難逃避、俗云、善惡到頭終有報、只爭來早與來遲、其斯之謂歟、以以知鴉片之害身者、既非宵小、而鴉片之害國者、又

豈幽微嘗聞風俗之純澆以萬姓爲轉移除四大症於民間則自風清而俗美存些鴉片於國上定將消紀而混規上既詳言有因鴉片而害及夫婦不和者矣有因鴉片而害及父子不親者矣有因鴉片而害及兄弟不睦者矣是因鴉片而五倫有陷卽因鴉片而萬化有虧不知家門卽爲風俗之始今既若是則鴉片害風俗之一証可知也上亦經言有因鴉片害富亦成貧貴亦成賤者遂爲丐爲流遨遊圍市閱歷城鄉以爲食計如是風俗既非盡善而有害乃這班人物名則爲丐爲流實則爲盜爲賊遇人在戶則向討錢求米若逢門關主去便隨擲犬擒鷄押盜晒衣於竿上押偷